

7 April 2021

Santos fó doasaun \$250,000 Australianu ba Cruz Vermelha de Timor Leste atu tulun vitima inundasaun

Santos, kompañia gas natural Australianu, sei fó doasuan \$250,000 dollar Australianu liu husi Cruz Vermelha de Timor Leste atu responde situasaun emerjensia ne'ebe mosu inundasaun foin dadaun akontese iha fin semana kotuk.

Presidente Konsellu Administrasaun and Xefe Exekutivu Kevin Gallagher hateten katak Santos sai parte ida husi comunidade lokal Timor Leste no doasaun ida ne'e sei hatan imidiata ba esforsu atu lori vitima sira ba fain seguru no dok husi perigu.

“Santos hamrik hamutuk ho comunidade Timor Leste iha situasaun difisil tebes iha biban ne'e” Señor Kevin Gallagher hateten.

“Ami iha Timor-oan nain atus rua lima nulu resin hitu (257) ne'ebe servisu direktamente ho projetu Bayu-Undan iha rai-maran, tasi-laran no eskritoriu iha Dili. Ami nia kolega balu no sira nia familia afetadu ho inundasaun ida ne'e”.

“Doasaun \$ 250,000 dollar Australianu ba Cruz Vermelha Timor Leste sei fó apoiu emerjensia ba maluk-sira iha sentru refujiadu iha Dili nia laran atu ajuda fó mahon,manta, hahan no nesesidade mediku baziku seluk”

Señor Gallagher dehan Santos sei kontinua servisu ho Governu Timor Leste atu hare dalam diak liu hodi kanaliza ninia ema no rekursu hodi fó apoiu responde inundasaun no pandemia COVID ne'ebe mosu dadaun.

“Ami iha historia naruk ba parseria ho Timor Leste hanesan parseiru inisiu iha Bayu-Undan husi tinan 2003 no nudar operador desde 2020. No importante ba ami atu bele tulun povu Timor bainhira persiza apoiu.

“Ami nia hanoin ho povu hotu no comunidade ne'ebe afetadu ho dezastre boot ne'e. No Santos prontu nafatin fó apoiu liu husi ami nia ema no rekursu no liu husi Cruz Vermelha atu tulun comunidade Timor Leste ne'ebe hetan impaktu” hateten Señor Gallagher”

Remata.

Media enquiries

James Murphy
+61 (0) 478 333 974
james.murphy@santos.com

Investor enquiries

Andrew Nairn
+61 8 8116 5314 / +61 (0) 437 166 497
andrew.nairn@santos.com

Santos Limited ABN 80 007 550 923
GPO Box 2455, Adelaide SA 5001
T +61 8 8116 5000 F +61 8 8116 5131
www.santos.com